



## *Komisija za izbor i imenovanja*

Broj: 02-02-349-3/16

Datum: 22.02.2016. godine

Komisija za izbor i imenovanja Gradskog vijeća Grada Sarajeva, na sjednici održanoj 22.02.2016. godine, u funkciji pripreme za 36. sjednicu Gradskog vijeća Grada Sarajeva, razmatrala je:

4. Utvrđivanje Prijedloga Odluke o dodjeli nagrade “Sarajevska pahuljica” (Ilma Kazazić)

i podnosi Gradskom vijeću Grada Sarajeva sljedeći:

### *IZVJEŠTAJ*

#### *TAČKA 4.*

*Prijedlog Odluke o dodjeli nagrade “Sarajevska pahuljica” (Ilma Kazazić)*

Poslije rasprave i sažetka Predsjedavajućeg, jednoglasno je usvojen sljedeći **zaključak**: Komisija za izbor i imenovanja utvrđuje Prijedlog Odluke o dodjeli nagrade “Sarajevska pahuljica” (Ilma Kazazić) i upućuje ga Gradskom vijeću na razmatranje po skraćenom postupku.



**PREDSJEDAVAJUĆI KOMISIJE**

*Miroslav Živanović, s.r.*



*ODLUKA O  
DODJELI NAGRADE „SARAJEVSKA PAHULJICA“  
(prijedlog)*

*Predlagač: Komisija za izbor i imenovanja*

*Obrađivač: Služba Gradskog vijeća  
Grada Sarajeva*

*Sarajevo, februar 2016. godine*



Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), te na osnovu člana 10, 13, 14. i 15. Odluke o priznanjima i nagradi Grada Sarajeva („Službene novine Kantona Sarajevo“, broj 34/10 – prečišćeni tekst i broj 14/14 i 31/14), Gradsko vijeće Grada Sarajeva, na sjednici održanoj . .2016. godine, donijelo je

(prijedlog)

**ODLUKU  
O DODJELI NAGRADE  
„SARAJEVSKA PAHULJICA“**

**Član 1.**

Dobitnik *Nagrade „Sarajevska pahuljica“* je *Ilma Kazazić*, učenica IV razreda JU „Peta gimnazija“ *Sarajevo*, za izuzetne rezultate u promicanju i afirmaciji opšt društvenih vrijednosti i u nastavnim i vannastavnim aktivnosima, a naročito postignutim uspjesima na takmičenjima u oblasti sporta.

**Član 2.**

Nagradu, koja se dodjeljuje u obliku diplome uz novčanu nagradu, uručuje gradonačelnik Grada Sarajeva na Svečanoj sjednici Gradskog vijeća Grada Sarajeva.

**Član 3.**

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

*Suljo Agić*

Broj:  
Datum,

## **OBRAZLOŽENJE**

### **PRAVNI OSNOV**

Pravni osnov za donošenje ove Odluke sadržan je u odredbi člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojom su utvrđene nadležnosti Gradskog vijeća Grada Sarajeva za donošenje odluka o priznanjima i nagradi, te u članu 10, 13, 14. i 15. Odluke o priznanjima i nagradi Grada Sarajeva („Službene novine Kantona Sarajevo“, broj 34/10 – prečišćeni teksti i broj 14/14 i 31/14), i u članu 5. kojim je definirana nagrada „Sarajevska pahuljica“ i propisani su subjekti koji mogu biti dobitnici ove nagrade, sadržaj Nagrade i uvjeti za njenu dodjelu, a članom 16. uručivanje Nagrade na Svečanoj sjednici Gradskog vijeća.

### **RAZLOZI ZA DONOŠENJE ODLUKE**

Gradsko vijeće Grada Sarajeva, na prijedlog Komisije za izbor i imenovanja, dodjeljuje ovu nagradu za izuzetne rezultate u nastavnim i vannastavnim aktivnostima a naročito u oblasti sporta (borbu protiv droge, borba protiv svih vrsta diskriminacije, suživot, demokratija, postignuti uspjesi na takmičenjima u oblasti kulture).

Sastavni dio obrazloženja je prijedlog kojim je Klub gradskih vijećnika SBB BiH kandidirao imenovani za dobitnika ove nagade.

Komisija za izbor i imenovanja je utvrdila Prijedlog Odluke o dodjeli nagrade „Sarajevska pahuljica“ te ga upućuje Gradskom vijeću na razmatranje i usvajanje.

### **PREDLOŽENA RJEŠENJA**

Članom 1. se imenuje dobitnik Nagrade „Sarajevska pahuljica“.

Članom 2. se navodi da Nagradu uručuje gradonačelnik Grada Sarajeva na Svečanoj sjednici Gradskog vijeća Grada Sarajeva, te da se Nagrada uručuje u obliku diplome uz novčanu nagradu, čiju visinu utvrđuje Gradonačelnik.

Članom 3. se određuje stupanje na snagu Odluke i obaveza objavljivanja u „Službenim novinama Kantona Sarajevo“.

### **SREDSTVA**

Sredstva za realizaciju ove Odluke planiraju se u Budžetu Grada Sarajeva, a o visini Nagrade odlučuje Gradonačelnik u skladu sa članom 10. stav 2. Odluke o priznanjima i nagradi Grada Sarajeva („Službene novine Kantona Sarajevo“, broj 34/10 – prečišćeni tekst).



Savez za bolju budućnost BiH  
Klub vijećnika SBB BiH u  
Gradskom vijeću Grada Sarajeva

Adresa: ul. Maršala Tita br. 4  
e-mail: [klubvijećnikagvs@sbb.ba](mailto:klubvijećnikagvs@sbb.ba)  
+387 33 223 – 939

Sarajevo, 15.02.2016. godine  
Broj: GV-KV-02/16

**GRADSKO VIJEĆE GRADA SARAJEVA**  
Hamdije Kreševljakovića broj 3/1  
71000 Sarajevo  
**KOMISIJA ZA IZBOR I IMENOVANJA**

Općina i Hercegovačko-Federacija Bosna i Hercegovina  
Kanton Sarajevo - GRAD SARAJEVO  
GRADSKO VIJEĆE

PRIMLJENO:	15-02-2016
Org. jed. broj	01-05-307/16
Vrijednost	JP

**PREDMET: ILMA KAZAZIĆ, Prijedlog za dodjelu nagrade  
Grada Sarajeva "Sarajevska pahuljica".-**

Poštovani,

Na osnovu Odluke o priznanjima i nagradama Grada Sarajeva, član 10. Klub vijećnika SBBBiH u Gradskom vijeću Grada Sarajeva dostavlja slijedeći

**\*PRIJEDLOG**

**1. U povodu Dana Grada Sarajeva 06. Aprila 2016. godine Grad Sarajevo dodjeljuje nagradu "SARAJEVSKA PAHULJICA" ILMI KAZAZIĆ.**

**\*\*ILMA KAZAZIĆ, biografija, postignuti rezultati**

Ilma Kazazić, je rođena 26.05.1998. godine u Sarajevu. Učenica je IV razreda JU „Peta gimnazija“ u Sarajevu, a uporedo je i studentica IT Akademije – Web dizajner.

Završila je Osnovnu školu „Aleksa Šantić“ sa odličnim uspjehom i proglašena „Ponosom generacije“ 2012. godine. Uporedo je završila i Osnovnu muzičku školu Ilidža – odsjek klavir.

Od šeste do dvanaeste godine trenirala je ritmičko sportsku gimnastiku u klubu „Olimpik“ Sarajevo.

Od 2009. godine uključena je i u plivački klub „Novo Sarajevo“, a od 2012. je u plivačkom klubu „SPORTINA“.

Ilma je članica Skijaškog kluba „Ilmer“ i Saveza udruženja za sport i rekreaciju invalida Kantona Sarajevo i kao uspješna takmičarka u plivanju, kuglanju i skijanju proglašena je pet puta sportašicom godine invalida u konkurenciji kadetkinja, 2008., 2009., 2011., 2012., 2013. godine na Kantonu Sarajevo te i najuspješnijom sportistkinjom invalida Kantona Sarajevo u 2014. godini.



Godine 2013. i 2014. proglašena je i za najperspektivniju sportistkinju sa invaliditetom u Bosni i Hercegovini.

**Proglašena je za NAJUSPJEŠNIJU SPORTISTKINJU SA INVALIDITETOM u BiH za 2015. godinu.**



*Ilma proglašena najboljom sportistkinjom sa invaliditetom u Bosni i Hercegovini, 22.12.2015. godine, Sarajevo*

**Također je proglašena i za NAJUSPJEŠNIJU SPORTISTKINJU SA INVALIDITETOM KANTONA SARAJEVO za 2015.**

Ilma, od rođenja, ima blaži oblik cerebralne paralize i po strogim kriterijima Međunarodnog Paraolimpijskog komiteta članica je Reprezentacije Paraolimpijskog komiteta BiH u alpskom skijanju.

U januaru 2013. godine na takmičenju PRVOG OTVORENOG PRVENSTVA BiH u alpskom skijanju - VELESLALOM LW1, osvajanjem 1. mjesta, postaje PRVAKINJA DRŽAVE BOSNE I HERCEGOVINE.

**Ilma je učesnica i nosilac zastave BiH na otvaranju i zatvaranju 11. Paraolimpijskih zimskih igara, održanih u Ruskom gradu Sochi od 7. do 16. marta 2014. godine.**



*Ilma Kazazić nosi zastavu Bosne i Hercegovina na otvaranju Paraolimpijskih zimskih igara, Sochi, Rusija, od 07. do 16. 03.2015. godine*

Nakon povratka sa Paraolimpijskih zimskih igara, proglašena jednom od najperspektivnijih učesnika na ovim igrama ( što je po završetku istih objavljeno na njihovoj oficijelnoj stranici <http://www.paralympic.org/news/alpine-skiing-five-future-faces> ).

Pod pokroviteljstvom Međunarodnog komiteta za parolimpijske igre IPC (International Paralympic Committee), učestvuje na svim međunarodnim ski kampovima (Francuska, Austrija i Srbija) i takmičenjima na kojim predstavlja svoj grad Sarajevo i domovinu Bosnu i Hercegovinu.

Od 20. do 22. januara 2015. na Staroj planini, u organizaciji Paraolimpijskog komiteta Srbije, održano je Međunarodno takmičenje u skijaškim disciplinama na kojem je Ilma osvojila 5. mjesto.

U periodu od 28 februara - 10 marta učesnica je i Svjetskog prvenstva - IPC Alpine Skiing World Championships koje je održano u Panorami u Kanadi.

17.11.2015. godine u holandskom gradu Landgraaf, pod pokroviteljstvom IPC-a (International Paralympic Comitte) odražana je IPCAS utrka za juniore - U17 u alpskom



skijanju u slalomu za osobe s invaliditetom gdje je ostvarila je veliki rezultat. Zauzela je 2. mjesto i osvojila srebrnu medalju za našu državu.

**Ova medalja je ujedno i prva medalja u alpskom skijanju našeg Nacionalnog Paraolimpijskog komiteta BiH.**



*Ilma ponosno pokazuje prvu medalju osvojenu za BiH u alpskom skijanju 17.11.2015. godine, Landgroff, Holandija*

Od 11.-13.12.2015. učestvovala je na Nacionalnom prvenstvu Njemačke na Pitztal glečeru u Austriji, gdje je nastupilo je ukupno 124 takmičara iz 24 zemlje. U Youth trkama Ilma je i u veleslalomu i u slalomu osvojila 2.mjesto.

U Rinnu u Austriji, 4.-5.1.2016. godine osvojila 1. mjesto za juniore, dok je u konkurenciji seniorskog IPCAS takmičenja zauzela 3. mjesto.

Na skijalištu Stara Planina u Srbiji 30.1. i 31.1.2016. godine održana su međunarodna takmičenja IPCAS u veleslalomu i slalomu za osobe s invaliditetom na kojem je nastupilo je ukupno 25 takmičara iz 7 zemalja. Ilma Kazazić predstavljala je Paraolimpijski komitet i BiH na takmičenjima u veleslalomu i slalomu gdje je osvojila:

1.mjesto - YOUTH Veleslalom



4.mjesto - IPCAS Slalom

4.mjesto - IPCAS Veleslalom

Ilma Kazazić, kao državna reprezentativka, je otputovala u Italiju i predstavljat će Bosnu i Hercegovinu u Ravascletto-Zoncolan, Italija gdje će se 17.2. i 18.2.2016. godine održati još jedno Međunarodno takmičenje, pod nazivom Trofeo "IPCAS Cup 2015 Adriana Visintini" u organizaciji IPC (International Paralympic Committee).

### **\*\*\* OBRAZLOŽENJE PRIJEDLOGA**

Grad Sarajevo je ustanovio nagradu „Sarajevska pahuljica“ koju dodjeljuje redovnim učenicima i studentima sa područja grada Sarajeva koji su ostvarili izuzetne rezultate na očuvanju i unapređenju općedruštvenih vrijednosti, kao i u nastavnim i vannastavnim aktivnostima (borba protiv droge, nasilja u porodici, svih vrsta diskriminacije; zalaganje za mir, suživot, demokratiju; postignuti uspjesi na takmičenjima u oblasti, nauke, kulture, sporta i sl.).

*Ilma Kazazić, iako osoba sa invaliditetom, svojim radom, učenjem i vladanjem, a posebno svojim vannastavnim aktivnostima u oblasti sporta već duži period ostvaruje izuzetne rezultate na očuvanju i unapređenju općedruštvenih vrijednosti. Svojom upornošću i zalaganjem predstavlja putokaz mladim generacijama i zorno dokazuje da se marljivim radom, upornošću i zalaganjem mogu postići svi ciljevi, bez obzira na prepreke koje se nalaze na putu za ostvarivanje tog cilja.*

*Ne trebamo posebno ni navoditi da Ilma postignutim vrhunskim rezultatima u oblasti paraolimpijskog sporta ( alpskog skijanja ) afirmiše Grad Sarajevo i svoju domovinu Bosnu i Hercegovinu. Ovdje posebno treba istaknuti da Ilma svojim sportskim rezultatima afirmiše razvoj zimskih sportova ( alpskog skijanja ) što je jako bitno za grad Sarajevo kao domaćina ZOI 1984. godine i budućeg domaćina EYOF-a 2019. godine.*

*Još samo da navedemo da kolege iz drugih paraolimpijskih reprezentacija ( Srbija, Hrvatska... koji joj nerjetko pomažu na njenim putovanjima i nastupima ) već odavno Ilmu zovu "BH pahuljica" ili "sarajevska pahuljica", što pokazuje da je omiljena kod svih i na taj način afirmiše i druge društvene vrijednosti kao što su drugarstvo, mir i suživot.*

Dodjelom nagrade "Sarajevska pahuljica" Ilmi Kazazić Grad Sarajevo pokazuje da cijeni i poštuje rezultate koje je Ilma postigla u svom učenju, rezultate postignute u oblasti sporta, rezultate kojim afirmiše Grad Sarajevo i državu Bosnu i Hercegovinu i rezultate u afirmisanju svih drugih općeprihvaćenih društvenih vrijednosti. Dodjela

nagrade "Sarajevska pahuljica" Ilmi Kazagić potaknut će i druge mlade osobe da ostvarenju svojih ciljeva pristupaju na način kako to radi Ilma, a upravo je to i svrha afirmacije rezultata i dodjeljivanja svih nagrada pa i nagrada Grada Sarajeva. Također, Grad Sarajevo kao olimpijski grad i domaćin ZOI 1984. godine dodjelom zaslužene nagrade Ilmi Kazazić afirmiše i podstiče razvoj zimskih olimpijskih i paraolimpijskih disciplina, a sve u svjetlu grada domaćina EYOF-a 2019. godine.

Zato Vas molimo da uzmete u razmatranje ovaj prijedlog i da u povodu Dana Grada Sarajeva 06. Aprila 2016. godine "sarajevskoj pahuljici" Ilmi Kazazić dojelite nagradu "Sarajevska pahuljica".

Srdačno,



**PREDSJEDAVAJUĆI KLUBA SBBBiH  
u Gradskom Vijeću Grada Sarajeva**

**Enes Husejnović**

Dostavljeno:

Naslovu: x 1  
a/a: x 1